

# **REFERAT SAA- Sanarfinermut Avatangiisinullu Ataatsimiititaq d. 03-08-2020**

**Mødedato** Mandag d. 03. august 2020 kl. 18:00

**Mødested** Kommunalbestyrelsen ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Suliat Aningaasaqarnermut Inuussutissarsiornermullu Ataatsimiititamut.....	8
Kommunimut pilersaarummut tapiliusseq 1A5-2, Tuapannguit, Nuuk, inaarutaasumik akuersissutig	9
Kommunimut pilersaarummut tapiliusseq 2E4-1 Qeqertat / Fyrø inaarutaasumik akuersissutigineqa	13
Berjaya Inissialiornissamut qinnuteqaat, Eqinga Qinngorput.....	18
Siunnersuut, Kommunimut pilersaarummut tapiliussasaq 2B2-5, Inuussutissarsiuteqarfik Qeqertat..	24
Taasariaqartut allat.....	28
Lukket.....	29
Lukket.....	30
Lukket.....	31
Lukket.....	32
Lukket.....	33
Imaqarniliap akuerineqarnera.....	34

## **Punkt 0: Saqqaa**

### **Ilaasortat**

Justus Hansen (D), siulittaasoq.

Harald Bianco (IA)

Charlotte Piké (IA)

Mala Høy-Kúko (S)

Laura Táunâjik Uitsatikitseq (S)

### **Beslutning**

Ataatsimeeqataasut: Inge Olsvig Brandt (IA), Charlotte Pikemut sinniisoq (IA)

Oqarasuaatikkut: Justus Hansen (D), Harald Bianco (IA), Mala Høy Kuko (S)

Peqataanngitsut: Laura Táunâjik Uitsatikitseq (S)

# Punkt 1: Oqaluuserisassat akuersissutigineqarneri

## Ilaasortat

Justus Hansen (D), formand

Harald Bianco (IA)

Charlotte Piké (IA)

Mala Høy-Kúko (S)

Laura Táunâjik Uitsatikitseq (S)

## Beslutning

Ataatsimiititaq inaarutaasumik aalajangiitinnagu avatangiisit pillugit nalunaarummik saqqummiussisoqassammat 05C kinguartinneqarpoq.

Oqaluuserisassat akuersissutigineqarput.

## **Punkt 2: Nalunaarutit**

2a. siulittaasup nalunaarutai

2b. ingerlatsiviup nalunaarutai

### **Beslutning**

2a. Soqanngilaq

2b.

1. HHWJ-ip ilisimatitsissutigaa Sanarfinermut Avatangiisinullu Ingerlatsivimmi Misissueqqissaarnermut pisortassarsiornissamut allagarsiussisoqartoq. Tamanna ukiup 2021/22-p nikinnerata nalaani Namminersorlutik Oqartussat inissiaataannik kommuninut nuussinissamut piareersarnermut tunngatillugu pilersaarutaasumut attuumassuteqarpoq.
2. Pisortaqatigiit Paamiunut angalasimanerat qanorlu paasisaqarsimanerat HHWJ-ip ilisimatitsissutigivaa.

## **Punkt 3: Ilisimatitsissutit**

Soqanngilaq

**Beslutning**

Soqanngilaq

## **Punkt 4: Aalajangiiffisassat**

Soqanngilaq

### **Beslutning**

Soqanngilaq

**Punkt 5: Suliat Aningaasaqarnermut Inuussutissarsiornermullu  
Ataatsimiititamut**

## **Punkt 05A: Kommunitum pilersaarummut tapiliusseq 1A5-2, Tuapannguit, Nuuk, inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq

### **Bilag**

Tusarniaanermut akissutinik suliaqarneq

Tusarniaanermit akissutit

Kommunitum pilersaarummut tapiliusseq, 1A5-2, Tuapannguit, Nuuk

# **Kommunimut pilersaarummut tapiliusseq 1A5-2, Tuapannguit, Nuuk, inaarutaasumik akuersissutigineqarnera**

Aalajangiiffigisassaq

J.nr.: ANL-2019-00021

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

## **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq.

Kommunalbestyrelsip november 2019-imi taamaalilluni pilersaarummut immikkoortumut §32-imi inerteqqut atorunnaarsippaa. Tassa imaappoq, nunaminertat illulionermillu suliarinninneq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani.

Kommunimut pilersaarummut tapiliussami aalajangersarneqarpoq immikkoortup ilaa 1A5 inissiaqarfiussasoq ilaqutariit ataatsit illuinik illullu affarleriikkaanik sanaartorfiusoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatitsisoqaaqqaanngilaq

Immikkoortup ilaani, illuliortaatsip illullu angissusianik, pisoqqamit nutaamut ikaarsaariarnertaanik ersersitsisumik atatitsisuussaaq. Sanaqqinneqarnerani nutaamilluunniit sanaartornermi illut aappaa affaanik quleriussapput. Nunami sananeqarnissaa ajornanngippat naqqup ataani inimik atorneqarsinnaasumik sanasoqarnissaa akuersissutigineqarsinnaavoq.

Sanaartorfissaq ataaseq inissiamut pisortanit pigineqartumut sanaartorfiusussanngortinneqarpoq. Sanaartukkat pioreersut eqqaanni sanaartorfissat sanaffissanngortinneqassapput, pioreersunik alliliinissamut imaluunniit isateriarlugu sanaartornissamut periarfissiisumik. Nunaminertaq sanaartorfissaq ataaseq 150 m<sup>2</sup> angissuseqarpoq taannalu 1½ -mik quleriussaaq.

Matumani kommunimut pilersaarummut tapiliussatut siunnersuut sapaatip-akunnerini 6-imi, piffissami 22. aprilli - 3. juuni 2020 tamanut tusarniaassutigineqarpoq. Tusarniaassutiginerata nalaani akissutit sisamaasut tiguneqarput taakkulu taamaallaat oqaaseqatigiinnik minnerusunik allannguuteqartitsinermik kinguneqarput.

## **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusseq 1A5-2, Tuapannguit, Nuuk, akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

## **Suliamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq.

Kommunalbestyrelsi november 2019-imi taamaalilluni pilersaarusi amut immikkoortumut §32-imi inerteqqut atorunnaarsippaa. Tassa imaappoq, nunaminertat illuliornermillu suliarinnineq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani. Inerteqquteqarnermi qulakkeerniarneqarpoq piffissap akunnerani pilersaarummut nutaami siunertanut akerliusunik pissutsinik pilersitsisoqannginnissaa.

Kommunimut pilersaarummut tapiliussatut siunnersuummi uani pineqarpoq immikkoortup ilaa 1A5 illoqarfiup ilaani ilaqutariinnut ataasiakkaanut aamma illut affarleriit ataasiakkaat inissisimaffigisaat. Aammalu inissiaqarfiusuni taamaallaat akuersissuteqarluni inuussutissarsiteqartoqarsinnaavoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatitsisoqaaqusaanngilaq.

Tuapannguit sanaartornermi Nuutoqqamit isikkivimmik aalajangiisuusarpoq. Taamaattumik immikkoortup ilisarnaataata pigiinnarnissaa piffimmi pingaaruteqarpoq. Kommunimut pilersaarummut tapiliussaq una illulioritaatsip illullu angissusii eqqarsaatigalugit, pisoqqamit nutaamut ikaarsaariarnerata attatiinnarneqarnissaanik ersersinneqarnissaanik qulakkeerisuusaaq. Taamaalilluni pilersaarutitut siunnersuut illoqarfiup oqaluttuarisaaneranut atatitsisuusaaq.

Immikkoortumi sanaartorfissiamik ataatsimik nutaamik atugassiisoqassaaq. Taanna taamaallaat pisortat inissiaataannik sanaartornissamut atorneqarsinnaavoq annerpaamik toqqaviata annertussusaa 150 m<sup>2</sup> –iussalluni 1½ etageaassallunilu. Kommunimut pilersaarummut tapilussassatut siunnersuummi siunertarineqarpoq 1A5-2mi illut suut, qanorlu ittut sananeqarsinnaanerannut aalajangersakkanik qulakkeerinissaaq. Immikkoortup ilaani siunissami nutaamik imaluunniit sanaqqiinissami, quleriit 1½ toqqavialu 150 m<sup>2</sup>. nunap ilusaata ajornartinggippagu, najugarineqarsinnaasumik kiilereqarnissaanut akuersissummik tunniussisoqarsinnaavoq.

#### *Aaqqiissutissatut siunnersuut – suliatigut naliliineq*

Immikkoortup ilaa 1A5 najugaqarfiuinnartussatut ingerlatsivimmit nalilernerqarpoq (A) ilaqutariinnut ataatsinut aammalu affarleriinnik illoqarfiuinnassasut. Illoqarfiup ilaani tamaani illut sanaqqaarneqartut amerlanerit piiarneqarsimagaluartut pingaartuuvoq ataasiakkaanik pukkitsunillu illoqarfiunerata attatiinnarnissaa. Tamannalu oqaluttuarisaanerme Nuup qitiusumik illoqarfiata isikkuanut ilapittuutaavoq. Peqatigitillugu pilersaarutitut siunnersuut ullutsinnut naleqquttumik inissialiornissamut periarfissiivoq.

Pilersaarutitut siunnersuummi sumiiffiup atorneqarnissaanut killiliussat aalajangiusimaneqassapput, Tuapannguimmi tassaagami illoqarfiup pisoqartaanut Nuutoqqamut tunuliaqutaasoq ilisarnarluartoq. Taamaattumik immikkoortup ilaani sanaartoriaaseq illullu angissusai eqqarsaatigalugit illoqarfiup qeqqani pisoqqamit nutaanut ikaarsaariarnerup ingerlateqqinneqarneranik ersersitsisuusaaq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqarsimanngilaq.

#### *Inatsisitigut tunngavissaq allakkallu tunngaviusumik uppernarsaatitalit*

Kommunimut pilersaarummut tapiliussatut siunnersuutit tullinnguuttut uku tunngavigalugit suliarineqarpoq:

Pilersaarusionerq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma

Inatsisartut inatsisissaat nr. 34, 9. decembari 2015-imeersoq

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

### *Ingerlariaqqinnissaq*

Matumani kommunimut pilersaarummut tapiliussatut siunnersuutip 1A5-2-p

akuersissutigineqarneratigut Illoqarfiup ilaanut pilersaarut 1.27 atorunnaarsinneqassaaq

Inaarutaasumik pilersaarut saqqummiunneqassaaq kommunip nittartagaani [www.sermersooq.gl](http://www.sermersooq.gl).

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq

### **Innuttaasunik peqataatitsineq/attaveqaqatigiinneq**

Matumani kommunimut pilersaarummut tapiliussatut siunnersuut sapaatip-akunnerini 6-ini, piffissami 22. aprilli - 3. juuni 2020 tamanut tusarniaassutigineqarpoq.

Tusarniaassutiginerata nalaani akissutit sisamaasut tiguneqarput taakkulu taamaallaat oqaaseqatigiinnik minnerusunik allannguuteqartitsinermik kinguneqarput.

### **Ingerlatsivinnit allaniit oqaaseqaatigineqartut**

Soqanngilaq

### **Siusinnerusukkat aalajangernerit**

*Sanarfinermut Avatangiisinullu Ataatsimiititap aalajangernera 15. aprilli 2020-meersoq:*

Inassuteqaat akuersissutigineqarpoq

*Aningaasaqarnermut Inuussutissarsionermullu Ataatsimiititap aalajangernera ulloq 21. aprilli 2020-meersoq:*

Inassuteqaat akuersissutigineqarpoq.

*Kommunalbestyrelsip aalajangernera 28. aprilli 2020-meersoq:*

Inassuteqaat akuersissutigineqarpoq.

### **Ilanngussat**

1. Tusarniaanermut akissutinik suliaqarneq
2. Tusarniaanermit akissutit
3. Kommunimut pilersaarummut tapiliussaq, 1A5-2, Tuapannguit, Nuuk

## **Punkt 05B: Kommunitut pilersaarummut tapiliusseq 2E4-1 Qeqertat / Fyrø inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq

### **Bilag**

Tusarniaanermut akissutitik suliaqarneq

Tusarniaassummut akissutit tamarmiusut.

Kommunitut pilersaarummut tapiliusseq 2E4-1 Qeqertat/ Fyrø

## **Kommunimut pilersaarummut tapiliusseq 2E4-1 Qeqertat / Fyrø inaarutaasumik akuersissutigineqarnera**

Pisortani ataatsimoorussamik ikuallaavik

Aalajangiiffigisassaq

J. nr: EMN-2019-01436

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Pisortani ataatsimoorussamik ikuallaaviliornissamut periusissamut atatillugu kommunimut pilersaarummut tapiliussami uani siunissami ikuallaavissap Qeqertani inissinneqarnissaanut tunngavissat saqqummiunneqarput.

Immikkoortoq pilersaarusiortifigineqartoq kusanartumi aamma Nuummiit erseqqissumi inissisimavoq. Aallaavittut immikkoortup isigiuminarpallaanngitsutut suliffissuaqarfippalaartutullu isikkoqarnissaa naatsorsuutigisariaqarpoq. Taamaattumik immikkoortup ataqatigiissumik assiaqutserneqarnissaa piumasarineqassaaq. Immikkoortumut assiaqutissaq eqqarsaatigalugu siunnersuutigineqarpoq, sanaartukkap ilusaata aamma sanaartukkamut atortussanik toqqaanermi assiaqutissaa ilanngutereerneqassasoq taamaalilluni pilersaarut imminut ataqatigiinnerusutut isikkoqartinneqassammat.

Tusarniummut akissuteqaatit 12-it tiguneqarsimapput. Taakkulu oqaaseqatigiinnik arlalinnik allannguineramik aamma tunngaviusumik iluarsissuteqarnermik kinguneqartitsipput.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusseq 2E4-1, Qeqertat / Fyrø, pillugu siunnersuut akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

### **Suliamik saqqummiussineq**

Kommunimut pilersaarummut tapiliusseq una sapaatip akunnerini arfinilinni tusarniutigineqareerpoq. Tusarniaanerup ingerlanerani tusarniummut akissutit katillugit 12-it tiguneqarput, taakkulu oqaaseqatigiinnik arlalinnik aamma tunngaviusumik iluarsissuteqartitsineramik kinguneqartitsipput. tunngaviusoq pineqartoq tassaavoq immikkualuttut 2, 3 4-lu immikkoortoq B-mut nuunneqarnerat, tassani siunertaalluni aalajangersakkani sukumiisuni oqaasertaliorneqarnerani umiarsualiveqarnermut tunngasunik inuussutissarsiorfiit periarfissaalersinneqarnissaat. Piffissap ingerlanerani tamanna periarfissaalersinneqarpat pisinnaanngussaaq, maannakkut tamanna imartaagami.

Pisortani ataatsimoorussamik ikuallaaviliornissamut periusissamut atatillugu pilersaarummut tapiliussami uani siunissami Nuummi ikuallaavissap Qeqertani inissinneqarnissaanut tunngavissat saqqummiunneqarput.

#### Pilersaarummi periarfissaapput

- ikuallaaviup taassumalu atortuisa pilersinneqarsinnaanerat.
- asfalteriffissaq pilersinneqassasoq
- nunniornikkut pilersitsineq tassanilu sanaartugassat sanaartorneqartinnagit aalajangersakkat immikkuualuttut nassuiaatigineqassallutik

#### Pilersaarummi qulakkeerneqartut

- immikkoortup ineriartortinneqarnissaa, Qeqertat nutaanik sanaartorfigineqarneranut takussutissat sapinngisamik malillugit.
- immikkoortup ineriartortinneqarnerani immikkoortup Nuup qiterpasissumi ersarissumilu inissisimaneranik eqqarsaateqartoqarnissaa.

#### *Aaqqiissutissatut siunnersuut – suliatigut naliliineq*

Immikkoortoq pilersaaruserfigineqartoq kusanartumi aamma Nuummiit ersarissumi inissisimavoq.

Taamaattumik sanaartorneqartussat Qeqertani sanaartorneqartunut quersuarnut tulluutissapput, soorlu imarpikoorutinut talittarfittaami takuneqarsinnaasunut.

aallaavittut immikkoortoq isigiuminarpallaanngitsutut suliffissuaqarfippalaartutullu isikkoqarnissaa naatsorsuutigineqassaaq. Taamaattumik immikkoortup ataqatigiissumik assiaqutserneqarnissaa piumasarineqassaaq. Immikkoortumut assiaqutissaq eqqarsaatigalugu siunnersuutigineqarpoq, sanaartukkap ilusaata aamma sanaartukkamut atortussat toqqarneqarnerannut assiaqutissaa ilanngutereerneqassasoq taamaalilluni pilersaarut imminut ataqatigiinnerusutut isikkoqartinneqassammat.

#### **Illuliortaatsimut politikki**


- 1 **Illuliortaaseq kinaassuseqalersitsisoq:** Sanaartugaq naaralaartitsivittut nutaatut illoqarfimmut illutut kusanartutut ilisarnaataalluni takussutissaasinnaasoq siunnersuummi allassimavoq.

#### **Nunarsuaq tamakkerlugu anguniakkat:**



**SDG 11.4:** Kulturikkut pinngortitamillu kingornussavut illersussavagut ikuallaaviup nutaap pilersinneqarnissaanut piumasaqaateqarnikkut.

- 2 **Piffissaq sumiiffillu:**  
Inissisimaffia eqqarsaatigineqassasoq taamaalilluni illoqarfimmut tikeraartut ikuallaavik siullertut takusassagaat siunnersuummi allassimavoq.



**SDG 11.6:**  
Silaannaap pitsaassuseqarnissaata immikkut pingaartinneqarneratigut aamma inoqutigiit allallu eqqagaannik ingerlatsinikkut avatangiisinut artukkiineq annikillisinneqassaaq. Ullutsinnut naleqquttumik avatangiisinullu isumannangitsumik ikuallaasarnissamut iluaqutaasinnaasumik.

*Aningaasatigut sulisoqarnikkullu naliliinerit*  
Soqanngilaq

*Inatsisitigut tunngavissaq allakkallu tunngaviusumik uppersaatitalit*  
Pilersaarusiorneq aamma nunaminertat atorineqarnerat pillugit Inatsisartut inatsisissaat nr. 17, 17. november 2010-meersoq aamma Inatsisartut inatsisissaat nr. 34, 9. december 2015-imeersoq Kommunitum pilersaarut digitaliusoq [www.sermersooq2028.gl](http://www.sermersooq2028.gl)

*Ingerlariaqqinnissaq*  
Pilersaarummut tapiliusaaq kommunalbestyrelsimit inaarutaasumik akuersissutigineqariapat nunaminertamik atugassiissut nalunaarutigineqarsinnaanngusaaq sumiiffillu ineriartortinneqarsinnaalissaluni.

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfik oqaaseqaatissaqanngilaq

**Innuttaasunik peqataatitsineq/attaveqaqatigiinneq**  
Kommunitum pilersaarummut tapiliusaaq siunnersuutitut sapaatip akunnerini arfinilinni tusarniaassutigineqareerpoq. Tusarniaanerup ingerlanerani tusarniummut akissutit 12-it tiguneqarput, taakkunanga inunnit ataasiakkaanersut marluupput. Sinneri qulit Namminersorlutik Oqartussani Naalackersuisoqarfimmeerlutillu Namminersorlutik Oqartussat ingerlatseqatigiiffineersuupput.

**Ingerlatsivinnit allaniit oqaaseqaatigineqartut**  
Oqaaseqartitsisoqanngilaq

**Siusinnerusukkat aalajangernerit**  
*Sanarfinermut Avatangiisinullu Ataatsimiititap 4. maaji 2020-mi aalajangenera:*  
Inassuteqaat akuersissutigineqarpoq

*Aningaasaqarnermut Inuussutissarsiornermullu Ataatsimiititap ulloq 14. maaji 2020-mi aalajangenera:*  
Inassuteqaat akuersissutigineqarpoq.

*Kommunalbestyrelsen 9. juni 2020-mi aalajangerne: 2020:*  
Inassuteqaat akuersissutigineqarpoq.

**Ilanngussat**

1. Tusarniaanermut akissutiniq suliaqarneq
2. Tusarniaassummut akissutit tamarmiusut.
3. Kommunimut pilersaarummut tapiliusseq 2E4-1 Qeqertat/ Fyrø

# **Punkt 05C: Berjaya Inissialiornissamut qinnuteqaat, Eqinga Qinngorput**

## **Beslutning**

Avatangiisit pillugit nalunaarusiap ataatsimiititamut saqqummiunneqarnissaata tungaanut inassuteqaat kinguartinneqarpoq.

## **Bilag**

Tusarniaassummut akissuteqaatinik takkuttunik suliarinninneq

Tusarniaassummut akissutaasut tamarmik

Ilanngussat ilanngullugit pilersaarummut qinnuteqaat

Inatsisartut inatsisaat nr. 34 ulloq 9. decembari 2015-imeersoq

Misissugassatut allattorsimaffik Sanarfinermut Avatangiisinullu Ingerlatsivimmit suliarineqartoq

## **Berjaya Inissialiornissamut qinnuteqaat, Eqinga Qinngorput inaarutaasumik akuersissutigineqarnera**

Aalajangiiffigisassaq

J.nr.: ANL-2020-00008

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Inissialiorfissamik nutaamik nunap immikkoortuata ilaani Egingami, Qinngutsinni Nuummiittumut pilersaarummut qinnuteqaat sapaatip-akunneranini arfineq-pingasuni tusarniaassutigineqareerpoq, maannalu saqqummiunneqassaaq inaarutaasumillu akuersissutigineqarluni.

Tusarniaassutiginerata nalaani akissuteqaatit 29 tiguneqarput, amerlanerit sumiiffimmi najugaqartuuniit, tamarmillu sanaartorfissatut qinnuteqaammut akerliupput.

Akerliuffigineqarneranut pissutaasoq pingaarneq tassaavoq inissisimaffissaa suliniutillu itigartinnissaa kissaatigineqarpoq. Tusarniaanermi akissuteqaatit ilanngussaq 1-imi suliarineqarput.

Taakkua inissialiortiterniarput katillugit 98-inik inissialartalinnik, taakkununga ilaallutik "Club House" / illu ataatsimoorfiusartooq timigissartarfilik/cafe/pisiniarfik, aammalu innuttaasunut "Saqisaarluni aneerasaartarfik" /immamut qanittumi pisuttuarterfik puttasoq.

Sanarfinermut Avatangiisinullu Ingerlatsiviup nalilerpaa, pilersaarut arlalinnik pitsaaquteqartoq sanaartugassallu ataatsimut isigalugit Qinngutsinnut takujuminarsaataassaquisut, inissiat amerlanerulissallutik aammalu timigissartarfiup/cafe/pisiniarfiup tungaanut sissap tungaanut nangittumik, umiatsianut talittarfimmu "saqisaarluni aneerasaartarfimmu" ataneqarluni pissanganartumik aqquteqassalluni.

Inissialiornissamut tunngatillugu, tamanut tusarniaassutigineqannginnerani Ingerlatsivik marlunnik ilassutissaqarpoq:

- silataani saqisaarluni aneerasaartarfik" tallissaaq umiatsianut talittarfimmi illuliarineqartut tungaannut atasussanngorlugu. Taamaalilluni illoqarfiup sinerik sinerlugu aqqutaanut ilaalissalluni.
- silataasa sananissaat Kommuneqarfik Sermersuumit inaarutaasumik akuersissutigineqartussaavoq.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- pilersaarut suliamullu tunngatillugu ingerlariaqqinnissaq akuerineqassasut
- pilersaarut akuersissutigineqartoq aamma suliarineqarnissaa Aningaasaqarnermut Inuussutissarsiornermullu Ataatsimiititamit Kommunalbestyrelsimillu akuersissutigisassanngorlugu ingerlateqqinneqassasoq

### **Suliassamik saqqummiussineq**

Kommunalbestyrelse ulloq 29 aprili 2020 ataatsimiinnermini aalajangerpoq suliniutip "Eqingani inissiat, Qinngorput" sanaartorneqarnissaat pillugu sap.ak. 8-ni maajip 6-iannit 17. juulimut 2020 tusarniaassutigineqassasoq. Tusarniaanermi nalaani akissuteqaatit 29 tiguneqarput.

Tusarniaassummut akissutit 28 inuinnarnit akerliuffigineqarput, amerlanerillu sumiiffimmi najugaqartuupput. Akerliussutsit tamarmik sanaartugassat pillugit akerliussutaapput suliniutillu itigartitsissutigineqarnissaa kissaatigineqarpoq. Sanaartorfissatut siunnersuummut pissutaanerpaavoq inissisimaffissaa, immikkoortup ilaa 4D5-imut atasussaagami, ullumikkut tamanna pinngortitaq sanaartorfigeqqusaangilaq, tusarniaassummut akissutini sumiiffimmi najugaqartunit tamanna taakkartorneqartorujussuuvoq.

Aammattaaq Nuummi Najukkami Ataatsimiititaliap tusarniaanermut akissuteqaat nassiuppaa akerliorpalaartumittaaq isiginnilluni. Suliniutissatut siunnersuut pillugu Najukkami Ataatsimiititaliamit isumaqarfigineqarpoq pilersaarut avatangiisinut naleqqutinngitsoq aammalu avatangiisinut kuullu kunneranun sunnuteqarnerlunnissaa pillugu akerliuffigineqartoq. Oqaatigineqartoq kingulleq pillugu Ingerlatsivimmit suliniummut qinnuteqaat tunngavigalugu Namminersorlutik Oqartussanik avatangiisit pillugit nalilersuinissap aallartinneqarnissaata oqaloqatigiissutigineqarnissaa, akissutigineqarpoq.

Tusarniaassummut akissutinit pingasut suliniutip immikkoortukkuutaarnera, sanaartortussatut qinnuteqartup tamanut klubhus-imik pisuttuarterfimmillu sananissaa uparuarpaat. Akerliussut immikkoortukkuutaat pingasuunissaat piviusunngortinneqassappat akerliuffigivaat. Taanna tunngavigalugu ingerlatsivimmit sanaartornissamik qinnuteqartoq piumaffigineqassaaq nunaminertamik atugassinneqarnermut atatillugu, suliniutip tamarmiusup napparneqarnissaa qulakkeerumallugu.

Ilanngussaq 1-mi Tusarniaassummut akissuteqaatit tamaasa ingerlatsivimmit suliarineqarput.

Berjaya Greenland Invest A/S inissialortiterniarput katillugit 98-inik inissialinnik, taakkununga ilaallutik "Club House" / illu ataatsimoorfiusartoq timigissartarfilik/cafe/pisiniarfik, aammalu innuttaasunut "Saqisaarluni aneerasaartarfik" /immami pisuttuarterfik puttasooq.

Sanaartorfissatut siunnersuut Eqingani, Qinngorput, inissisimavoq immikkoortup ilaa 4C4-mi, taannalu qitiusoqarfissatut immikkoortitaavoq, immikkuualuttoq 4D5-mut ilaalluni, taannalu sanaartorfigeqqusaangilaq.

Nunaminertap ilaanut inniminniinermik qinnuteqartoqarpoq, Pilersaarusionermut Inatsit nutaaq naapertorlugu, Inatsisartut inatsisaat nr. 34, 9. december 2015-imeersoq.. Ilanngussaq 2 takuuk. Pilersaarusionermut Inatsisip allanngortinnerata nutaap ingerlanera ima nassuiarneqarsinnaavoq:

1. Aningaasaliisussap/Suliffeqarfiup pilersaarutini Kommunalbestyrelsimut nassutissavaa, piumasaqaataavorlu aningaasaliisussap nammineerluni pilersaarummut tunngavilersuinissaa aammalu avatangiisinut tunngatillugu naliliinerit, assersuutigalugu VVM-it nammineq isumagalugit.
2. Kommunalbestyrelsip pilersaarut akuerissavaa, minnerpaamillu sapaatit akunnerini arfinilinni tusarniaassutigissallugu, tassunga ilanngunneqassapput Kommunalbestyrelsip qinnuteqarnissamut piumasaqaatai, taakkulu arlaanulluunniit attuumassuteqassanatik.
3. Tusarniaanermi innuttaasut tusarniaassummut akissuteqarsinnaapput, akerliliissuteqarsinnaapput imaluunniit allanik pilersaarutaasinnaasunik tunniussaqaarsinnaallutik.
4. Qinnuteqaatit tunuliaqutigalugit Kommunalbestyrelse arlaanulluunniit attuumassuteqanngitsumik pilersaarummik pitsaanerpaamik toqqaassaaq.

5. Tamatuma kingorna aningaasaliisusaaq ukiuni marlunni sivilissuseqarsinnaasumik nunaminertamik inniminniinissaminik periarfissaqalissaaq kommunimullu pilersaarummut tapiliussap suliarineqarnera aallartissaaq.
6. Pilersaarutip annertussusaa tunngavigalugu avatangiisinut naliliisoqassappat, assersuutigalugu VVM-imik naliliisoqartariaqarpat, pilersaarummik piginnittup nammineerluni suliarissavaa aningaasaliiffigalugulu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikikkut takorluukkanut naapertuutinnigippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq. Kalaallit Nunaanni inuussutissarsiorderup Naalakkersuisunit Kommuniniillu siuarsarneqarusunnera Pilersaarusiornermut Inatsimmik allannginnermi siunertarineqarpoq, taamaaliornikkut aningaasaliisussanut aningaasaliinissaaq ajornannginnerulissamat orniginarnerullunilu.

#### *Aaqqiissutissatut siunnersuut – suliatigut naliliineq*

Sanarfinermut Avatangiisinullu Ingerlatsivimmit pilersaarut arlalitsigut pitsaaquteqartutut nalilerneqarpoq.

Ataatsimut isigalugu, illoqarfiit pingaarnersaanni inissaaleqisoqarnerujussua pissutigalugu soqutigisalik nutaaq taamak annertutigisumik inissialiortiternissamik aningaasaliissuteqarusummat soqutiginarpoq. Tamatuma saniatigut pilersaarut soqutiginarpoq, modulikkaarlugit suliaagami, Nuummi takuneqanngisaannartut, pingaartumik taama annertugitillugit.

Pilersaarutip isikkussaa sumiiffimmi najoqqutarineqartumut naapertuuppoq. Illut ima inissisimapput, tunuanni Iserit inissiaataasa isikkivii innarlerneqartussaajunnaarlugit, tamannalu pitsaaqutaavoq.

Pilersaarummut biilit unittarfiat angisooq ilanngullugu titartarneqarsimavoq inissiamut ataatsimut unittarfik ataaseq, tamannalu kommunimut pilersaarummut naapertuuttuavoq. Inissiat biilillu unittarfiisa saniatigut tummeqqat tamanit atorneqarsinnaasut pilersaarummut ilanngunneqarput.

Inissiaqarfimmi inissiat iluanni agguataarneqarlutik aaqqiissuussaapput, takuuk qupp. 35. Imaappoq, inissiat affaasa missingi immap tungaanut isikkiveqarput, affaasalu aappaat Ukkusissat tungaannut isikkeqarlutik. Inissiat nalinginnaasuupput, inissialiassat angissusaat najoqqutaralugit aaqqiissuunneqarlutik.

Kommune inissialiornissamut pilersaarummik akuersissuteqarpat, sanaartorniartoq nunaminertamik annertuumik atugassinneqartarpoq, tamannalu niuerutissatut pilerinarluinnarsinnaavoq. Taamaattumik inissialiornissamut qinnuteqaatini tamani kommunip iluanaaruteqarnissani qulakkeertassavaa, assersuutigalugu inissiat qassiunerisa saniatigut pissarsinissaaq. Assersuutissaqqissutut taaneqarsinnaavoq Maliup eqqaani inissialiassat kommunimut iluanaarutaalluarnissaat. Tassami inissialiorniartup sissaaq sinerlugu aqqut nammineq inissialiornissaminut atatillugu ilanngunniarpaa. Taamaallunni inissiat nutaat umiatsianik talittarfirmut Iggiaanut, Nuussuup qeqqaniittumut ataneqalissapput.

Sanarfinermut Avatangiisinullu Ingerlatsivik inissialiorniarneq tamaat eqqarsaatigalugu ilaliivoq, marlussunnilli tapiliussassaqluni:

- Saqisaarluni aneerasaartarfik tallineqassaaq, taamaalilluni umiatsianik talittarfik inissiaqarfimmut ataneqalersinneqassalluni. Taamaaliornikkut tummeqqat tamanit atorneqarsinnaasut aqputigineqartartussarlu tamanit atorluarneqassaaq. Tamakkiisumik aqputeqartitsinikkut timigissartarfimmut/cafemut/pisiniarfeqarfinnullu niuernikkut tunngavissagissaarnerulissaaq. Aqputeqartitsinikkut, Saqisaarluni aneerasaartarfeqarneratigut aammalu Qinnngutsinnut attaveqaateqarnikkut umiatsinullu talittarfeqarnikkut Qinnngutsinni illoqarfiup ilaa pitsanngoriaateqassaaq. Ilanngussaq 2 takuuk.
- Illut silatai. Inissialiornissamut pilersaarutit allaaserinerini pladet atorneqartussat siunnersuutigineqarput, tassungalu tunngatillugu ingerlatsiviup siunnersuutigissavaa, taakkununga tunngasunik assigiinngitsunik misileraasoqarnissaa. Nuummi illut silataasa aqqissuussaanngittarnerat misilittagaavoq, ajoraluartumik issittumi seqinermullu sakkortoqisumit tamakkua qillallutsinneqalersarput asinngallutik. Taamaattumik kommunip illut silatissai atorneqartartussat akuersissutigissavai.

Ingerlatsivik tapiliussaqarmat imaanngilaq inissialiortiternissamut pilersaarut akuerineqartoq, pilersaarutilli tamanut tusarniaassutigineqannginnerani pitsanngoriaatissaannaalluni.

*Aningaasatigut sulisoqarnikkullu naliliinerit*

Soqutiginnittumit pilersaarummut aningaasartuutit tamarmik akilerneqartussaammata Kommuneqarfik Sermersuumut aningaasartuutaassanngilaq.

*Inatsisitigut tunngavissaq allakkallu tunngaviusumik uppersaatitallit*

Inatsisartut inatsisaat nr. 34, 9. december 2015-imeersoq

*Ingerlariaqqinnissaq*

Ukiut tallimat kingorna Pilersaarussiaq Kommunalbestyrelsimit akuersissutigineqassagaluarpat, nunaminertaq soqutigisaqatigiinnut ukiuni marlunni inniminnerneqarsinnaavoq, tamatumalu kingorna taakkunanga immikkoortoq pillugu sukumiisumik aalajangersagartalmik kommunimut pilersaarummut tapiliussassaq suliarineqassaaq.

Kommunimut pilersaarummut tapiliussassap suliarineqarnera naammassippat, nunaminertamik atugassiisoqarsinnaavoq taavalu sanaartugassaq aallartinneqarluni.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq

**Innuttaasunik peqataatitsineq/attaveqaqatigiinneq**

Kommunimut pilersaarummut tapiliussassatut siunnersuut sapaatip akunnerini 8-ni tamanut tusarniaassutigineqassaaq, tamannalu Nuummi Nuuk Ugeaviisikkut kiisalu kommunip tusarniaanermi nittartagaatigut allagarsiutigineqassaaq.

Kommunimut pilersaarummut tapiliussap suliarineqarneranut atatillugu siunnersuut minnerpaamik sapaatip akunnerini arfinilinni tusarniaassutigineqartussaavoq.

**Ingerlatsivinnit allaniit oqaaseqaatigineqartut**

Soqanngilaq.

**Siusinnerusukkut aalajangernerit**

*Sanarfinermut Avatangiisinullu Ataatsimiititap 15. aprili 2020-mi aalajangenera:*  
Inassuteqaat akuersissutigineqarpoq

*Aningaasaqarnermut Inuussutissarsionermullu Ataatsimiititap 21. aprili 2020-mi aalajangenera:*  
Inassuteqaat akuersissutigineqarpoq.

*Kommunalbestyrelsip 28. aprili 2020-mi aalajangenera:*  
Inassuteqaat akuersissutigineqarpoq.

**Ilanngussat**

1. Tusarniaassummut akissuteqaatinik takkuttunik suliarinnineq
2. Tusarniaassummut akissutaasut tamarmik
3. Ilanngussat ilanngullugit pilersaarummut qinnuteqaat
4. Inatsisartut inatsisaat nr. 34 ulloq 9. decembari 2015-imeersoq
5. Misissugassatut allattorsimaffik Sanarfinermut Avatangiisinullu Ingerlatsivimmit suliarineqartog

## **Punkt 05D: Siunnersuut, Kommunimut pilersaarummut tapiliussasaq 2B2-5, Inuussutissarsiateqarfik Qeqertat**

### **Beslutning**

Inassuteqaat akuersissutigineqarpoq

### **Bilag**

Kommunimut pilersaarummut tapiliussasatut siunnersuut 2B2-5, Inuussutissarsiateqarfik Qeqertat, Nuuk

## **Siunnersuut, Kommunimut pilersaarummut tapiliussasaq 2B2-5, Inuussutissarsiuqarfik Qeqertat**

Aalajangiiffigisassaq

J.nr.: ANL-2020-00011

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 2B2-5.

Immikkuualuttumut killiliussaq allangortinneqassaaq, taassuma iluani mikinerusumik immikkuualuttoqassalluni.

Ilanngullugu sissami nunniornikkut nunamut atasussamik naammattumik nunaminertaqarnissaa qulakkeerneqassaaq. Taama iliornikkut ilaatigut tankeqarfiup pioreersup allilernissaanut periarfissaqalissaaq.

Ilanngullugu siunnersuutip imarivaa aaqqissuussinermi oqaasertaasut allangortinnissaat, aalajangersagartaanik sakkortusaataasumik.

### **Inassuteqaat**

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussaq 2B2-5, Inuussutissarsiuqarfik Qeqertat, Nuuk, pillugu siunnersuut akuersissutigineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

### **Suliamik saqqummiussineq**

Kommuneqarfik Sermersuup Illoqarfiit pingaarnersaat pillugu periusissiap Kommunalbestyrelsimut akuersissutigineqarneratigut ilaatigut Nuummi inuussutissarsiuqarfik pitsanngorsaaviginissaat periarfissaannillu siuarsaaviginissaat aallutarineqarpoq. Matumani inuussutissarsiuqarfik "*nunani tamalaani, nunatsinni illoqarfimmilu suliffeqarfinnut pilerinarsarlugu*" ineriartortissavarput.

Pilersaarut pioreersoq tunngavigalugu Kommunimut pilersaarummut ilassutissatut siunnersuut matumuuna suliarineqarpoq makkuninnga allannguuteqartillugu:

- Annettussuseq immikkuualuttuni A aamma C allangortinneqassaaq, tankeqarfiup toqqavianut nunamut atasortaa pioreersoq 3.600 m<sup>2</sup> miss. allilerneratigut. Tankeqarfiup pioreersup sissaata kujataatungaata nunniornertigut tamanna pissaq.
- Immikkuualuttoq B allilernerqassaaq (avannamut kangiatungaani immikkuualuttoq A annikillineratigut), immerlugu 15.000 m<sup>2</sup> miss sissaq immerneratigut taannalu talittarfeqarfirmut atatillugu atorneqarsinnaavoq.

- Immikkuualuttoq nutaaq pilersinneqassaaq, *immikkuualuttoq E*, immerneqareeripat inuussutissarsiutinik siunertalinnut, quersuaqarnermut allanulluunniit inaalitsivittut talittarfiup eqqaaniittariaqartunut atorineqarsinnaasoq. Immikkuualuttoq E sanaartorfiussaguni qummut 15 m portunerussanngilaq.

Immikkuualuttut atorineqarnerat ataasiakkaani allaaserineqassaaq:

- *Immikkuualuttoq A* talittarfeqarnermut siunertaqassaaq.
- *Immikkuualuttut B, C & D* talittarfeqarnermik inuussutissarsiornermut atugassanngortinneqassapput
- *Immikkuualuttoq E* quersuaqarfittut allanulluunniit inaalitsivittut talittarfeqarfiup eqqaaniittariaqartunut siunertalinnut atugassanngortinneqassaaq.

Sanaartorfissanik nutaanik pilersitsisoqassaaq, atorineqassappatalu arlaqartut immerneqqaartariaqarput.

*Aaqqiissutissatut siunnersuut – suliatigut naliliineq*

Immikkuualuttoq 2B2 pilersikkiartuaarnera pivoq kommunalbestyrelsip takorluugaatut inuussutissarsiorfittut imminut atasumik mittarfeqarfimmit kujammut Qeqertat / Fyrø tungaanut.

Kommunimut pilersaarummut ilassutissatut siunnersuut, Qeqertat inuussutissarsiornerup tungaatigut pitsaasumik ineriartortinneqarneranut, inuussutissarsiornerup piorsarneqarnissaanut pissusissamisoortumik alloriarnissap tullianut ilapittuutaanissaa ingerlatsivimmit nalilerneqarpoq. Kommunimut pilersaarummut ilassutit pioreersut Sikuki Nuuk Harbour sumiiffimmi atortorissaaruteqarnikkut sanaartorfissaliornikkullu pilersitsiffigereerpai siunnersuutillu matuma immap / sissap nunniorneratigut nunaminertat nunamut atasut annertusitissavai taamaalilluni nutaanik sanaartorfissaqalissaaq.

*Aningaasatigut sulisoqarnikkullu naliliinerit*

Oqaaseqaateqanngilaq.

*Inatsisitigut tunngavissaq allakkallu tunngaviusumik uppernarsaatitalit*

Pilersaarusiorneq aamma nunaminertat atorineqartarneri pillugit Inatsisartut inatsisaat nr. 17, 17. november 2010-imeersoq aamma

Inatsisartut inatsisaat nr. 34, 9. december 2015-imeersoq

Kommunimut pilersaarut digitaliusoq [www.sermersooq2028.gl](http://www.sermersooq2028.gl)

*Ingerlariaqqinnissaq*

Siunnersuut tusarniaassutigineqassaaq.

Maanna atuuppoq kommunimut pilersaarummut tapiliusaaq 2B2-5 kommunimut pilersaarut 2B2-4 atorunnaarsinneqarpoq

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq.

## **Innuttaasunik peqataatitsineq/attaveqaqatigiinneq**

Soqanngilaq.

## **Ingerlatsivinnit allaniit oqaaseqaatigineqartut**

Soqanngilaq

## **Ilanngussat**

1. Kommunitum pilersaarummut tapiliussasatut siunnersuut 2B2-5, Inuussutissarsiteqarfik Qeqertat, Nuuk

## **Punkt 6: Taasariaqartut allat**

### **Beslutning**

Soqanngilaq

## **Punkt 7: Lukket**

## **Punkt 07A: Lukket**

## **Punkt 07B: Lukket**

## **Punkt 07C: Lukket**

## **Punkt 07D: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 14.40